



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2184-33/25– ME/ES

Tuzla, 19.02.2026. godine

Na osnovu člana 70. stav (4), a u vezi sa članom 69. stav (3) i članom 103. stav (2) Zakona o javnim nabavkama, ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16), te postupajući po Rješenju Ureda za razmatranje žalbi Bosne i Hercegovine broj: JN2-01-07-1-53-5/26 od 29.01.2026. godine, donosi se

O D L U K A

o poništenju postupka nabavke dijagnostičkih pretraga za 2026. godinu LOT 1 - CT dijagnostika ambulantne usluge

I

Ovom odlukom poništava se postupak ugovaranja dijagnostičkih pretraga za 2026. godinu za LOT 1 - CT dijagnostika ambulantne usluge u cijelosti, u skladu sa članom 69. stav (3) i u vezi sa članom 103. stav (2) Zakona o javnim nabavkama, ("Službeni glasnik BiH", broj: 39/14, 59/22 i 50/24) i postupajući po Rješenju Ureda za razmatranje žalbi Bosne i Hercegovine broj: JN2-01-07-1-53-5/26 od 29.01.2026. godine (u daljem tekstu: Rješenje URŽ-a).

II

Ova odluka donesena je u ponovnom postupku, postupajući po Rješenju URŽ-a.

III

Postupak se poništava iz razloga što su nakon donošenja Rješenja URŽ-a nastale okolnosti koje onemogućavaju zakonito okončanje postupka u skladu sa principima transparentnosti, jednakog tretmana ponuđača i zakonitosti postupka, te je u cilju zaštite javnog interesa i zakonitosti postupka odlučeno kao u tački I ove odluke.

IV

Ugovorni organ je, postupajući po Rješenju URŽ-a i u granicama ponovnog postupka, razmotrio sve mogućnosti zakonitog okončanja predmetnog postupka, te je utvrdio da su ispunjeni uslovi za poništenje postupka u smislu člana 69. stav (3) Zakona o javnim nabavkama.

V

U skladu sa članom 70. stav (6) Zakona o javnim nabavkama, ova Odluka će biti objavljena na internet stranici Ugovornog organa.

VI

Ova Odluka stupa na snagu danom donošenja.

VII

Danom stupanja na snagu ove odluke prestaju da važe sve prethodno donesene odluke u predmetnom postupku javne nabavke.

OBRAZLOŽENJE

Postupak javne nabavke ugovaranja dijagnostičkih pretraga za 2026.godinu - LOT 1 - CT, pokrenut je Odlukom o pokretanju postupka, broj: 03-11-1-2184-1/25- SB/JH od 24.11.2025. godine.

Javni poziv za dostavu ponuda za ugovaranje dijagnostičkih pretraga za 2026. godinu, objavljen je u informacionom sistemu "e-nabavke", dana 24.11.2025. godine uz Obavještenje o nabavci usluga iz Aneksa II broj: 03-11-1-2184-2/25.

Rok za dostavljanje ponuda bio je 04.12.2025. godine do 15:00h.

Ugovorni organ je dana 15.12.2025. godine donio Odluku o izboru ponuđača u predmetnom postupku broj: 03-11-1-2184-7/25-BA/SA.

Dana 17.12.2025. godine, od strane JZU UKC Tuzla, dostavljen je Zahtjev za Uvid u ponude, nakon čega je sačinjen Zapisnik o uvidu u ponude broj:03-11-1-2184-16/25-ME/SA od 19.12.2025. godine.

Dana 26.12.2025. godine, od strane JZU UKC Tuzla, Ugovorni organ je zaprimio dopis broj: 02-1514-2-2/25 od 23.12.2025. godine, koji se odnosi na nepravilnosti u ocjeni ponuda koje su uočene nakon uvida u ponude od strane ovog Ponuđača.

Komisija za provođenje postupka ugovaranja dijagnostičkih pretraga za 2026. godinu izvršila je ponovni pregled dostavljenih ponuda zbog ukazanog propusta, te je nakon ponovnog pregleda sačinila Zapisnik o izmjeni i dopuni Zapisnika o pregledu i ocjeni ponuda broj: 03-11-1-2184-17/25-SA/SA od 29.12.2025. godine. U navedenom Zapisniku Komisija je dala preporuku Ugovornom organu da Odluku o izboru ponuđača broj: 03-11-1-2184-7/25-BA/SA od 15.12.2025. godine stavi van snage i donese novu odluku o izboru ponuđača.

Shodno navedenom, dana 29.12.2025. godine donesena je Odluka o stavljanju van snage Odluke o izboru ponuđača u predmetnom postupku broj: 03-11-1-2184-20/25-ME/SA, kao i nova Odluka o izboru ponuđača broj: 03-11-1-2184-23/25-ME/SA.

Dana 07.01.2026. godine Ugovorni organ je zaprimio žalbu na Odluku o stavljanju van snage Odluke o izboru ponuđača i na novu Odluku o izboru ponuđača u postupku nabavke dijagnostičkih pretraga za 2026. godinu, LOT1 – CT dijagnostika ambulantne usluge, podnesenu od strane Privatne zdravstvene ustanove Poliklinika „Medical Irac“.

Dana 10.02.2026. godine Ugovorni organ je zaprimio Rješenje Ureda za razmatranje žalbi broj:JN2-01-07-1-53-5/26 od 29.01.2026. godine kojim se predmet vraća na ponovni postupak Ugovornom organu.

Ugovorni organ je proveo predmetni postupak javne nabavke u skladu sa Zakonom o javnim nabavkama Bosne i Hercegovine i odredbama Javnog poziva, nakon čega je donesena odluka o izboru ponuđača.

U postupku pravne zaštite, Ured za razmatranje žalbi je Rješenjem broj: JN2-01-07-1-53-5/26 od 29.01.2026. godine poništio ranije donesene odluke ugovornog organa i predmet vratio na ponovni postupak, obavezujući ugovorni organ da u daljem toku postupka postupi u skladu sa dispozitivom navedenog rješenja.

Postupajući po navedenom rješenju, ugovorni organ je izvršio analizu mogućnosti zakonitog nastavka predmetnog postupka. Tom prilikom razmotrene su sve relevantne okolnosti postupka, faza u kojoj se postupak nalazi, kao i potreba osiguranja jednakog tretmana svih učesnika i pravne sigurnosti postupka.

Nakon provedene analize utvrđeno je da su nastale okolnosti koje objektivno otežavaju zakonito okončanje postupka, te bi nastavak postupka i donošenje nove odluke o izboru moglo dovesti do daljih pravnih nesigurnosti i potencijalnog narušavanja osnovnih principa javnih nabavki, posebno principa transparentnosti, jednakog tretmana ponuđača i zakonitosti postupka.

Uzimajući u obzir navedeno, ugovorni organ je ocijenio da su ispunjeni uslovi iz člana 69. stav (3) Zakona o javnim nabavkama, odnosno da postoje opravdani razlozi za poništenje postupka koji su nastali tokom trajanja postupka i koji onemogućavaju njegovo zakonito i svrsishodno okončanje.

Ugovorni organ posebno naglašava da odluka o poništenju nije donesena u cilju favorizovanja ili diskriminacije bilo kojeg ponuđača niti predstavlja posljedicu ocjene pojedinačne ponude, već je donesena isključivo radi osiguranja zakonitosti postupka i zaštite pravne sigurnosti svih učesnika, postupajući po rješenju Ureda za razmatranje žalbi.

Prilikom donošenja ove odluke Ugovorni organ imao je u vidu i zaštitu javnog interesa, odnosno obavezu provođenja postupaka javnih nabavki na način koji osigurava zakonito, transparentno i efikasno korištenje javnih sredstava. Poništenjem predmetnog postupka stvara se mogućnost ponovnog provođenja postupka pod jednakim i jasno definisanim uslovima za sve zainteresovane ponuđače.

S obzirom na sve navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema.

Dostavljeno:

1. Ponuđačima (e-mail)
2. a/a



DIREKTOR

Doc.dr.sc. Denis Husić, dipl. pravnik

